



CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: correo@laxe.es

RESOLUCION DA ALCALDIA

Asunto: DECRETO SERVIZOS ESENCIAIS DURANTE A FOLGA DE AXUDA A DOMICILIO

Expte. Admtvo. Núm.: 2025/S001/000221

Expte. Decreto núm.: 2025/G003/000809

ANTECEDENTES

Vista a convocatoria de folga do SAF convocada para os días 23 de outubro e 4 de novembro de 2025.

Visto o informe de alcaldía do día 21/10/2025 relativo aos servizos mínimos imprescindibles para garantir a atención das situacións de urxencia e cobertura de casos de dependencia.

O dereito á folga, é un dereito fundamental, de xeito tal que a limitación ou restrición do mesmo ha de vir determinada por unha estrita observancia do principio de proporcionalidade, de xeito que o establecemento dos servizos mínimos permita o exercicio do dereito sen ao mesmo tempo supoñer un menoscabo desproporcionado dun servizo público de carácter esencial, e que, como é presente caso, presenta tamén un carácter especialmente sensible, tanto polas necesidades dos usuarios, como polos servizos a prestar.

O Servizo de Axuda no Fogar está considerado como un servizo esencial para a comunidade dado que facilita o desenvolvemento das actividades básicas da vida diaria a aquelas persoas con limitacións de autonomía persoal, fomentando a súa permanencia no entorno, evitando situacións de desarraigo.

Tal e como se desprende da xurisprudencia da mesma débese extraer que a limitación que supón para o exercicio do dereito de folga o aseguramento da prestación de servizos esenciais municipais, fai necesario e imprescindible establecer unha ponderación entre os intereses en xogo. Para iso, o aseguramento actuará como garantía que deriva dunha necesaria coordinación dos dereitos contrapostos, entendendo que o dereito dos e das folguistas deberá limitarse - ceder, en palabras do Tribunal Constitucional - cando o exercicio de defensa dos seus intereses, a través da folga ocasione ou poida ocasionar un mal máis grave ao destinatario/a ou titular do dereito á prestación do servizo esencial.

Os dereitos constitucionais á vida, á integridade física e moral, e á protección da saúde, contemplados nos artigo 15 e 43.1 da Constitución, cuxa garantía compete aos poderes públicos a través das medias preventivas e de aseguramento da prestación dos servizos necesarios non poden quedar sen a debida protección fronte ao lexítimo exercicio do dereito de folga; protección esta, por outra parte, que en modo algún pode chegar a baleirar de contido o dereito de folga, dado o carácter restritivo que debe presidir o seu establecemento a teor da doutrina sentada polo Tribunal Constitucional.

A pesares de tratarse dun dereito fundamental e da importancia de precisar os límites ao mesmo, o lexislador no Real Decreto Lei 17/1977, do 4 de marzo, de relacións de traballo non ofrece unha definición do que debe entenderse por servizo esencial, creando, como en tantas outras ocasións, un concepto xurídico indeterminado.

Non obstante, e tendo en conta que a fixación de servizos mínimos en caso de folga respecto das traballadoras e dos traballadores dos servizos de axuda no fogar, é unha cuestión sobre a que xa tiveron ocasión de pronunciarse os tribunais de xustiza e entre eles o propio Tribunal Supremo, parece conveniente como fundamento para a adopción da decisión traer a colación cales das prestacións que integran este servizo se considera que deben en todo caso seguir prestándose a fin de, sen impedir o exercicio de folga, garantir a continuidade dun servizo que afecta a necesidade especialmente sensibles. Deste xeito, poden tomarse como orientación pola súa claridade a sentenza 207/2022 da Sala do Contencioso do Tribunal Superior de Xustiza de Bilbao así como o Auto da Sala do Contencioso-Administrativo do Tribunal Superior de Xustiza de Castela A Mancha de 29 de abril de 2022, nas que se precisa cales son as prestacións que se entende que deben integrar os servizos mínimos por constituír a base que asegure o respecto tamén ao núcleo esencial dos dereitos á vida e integridade física e moral dos usuarios do servizo.



CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: correo@laxe.es

En base ao anterior, e en uso das atribucións conferidas pola lexislación vixente,

RESOLVO

Primeiro.- Entender por servizos mínimos os servizos necesarios para o mantemento das funcións sociais básicas, persoais, de saúde, seguridade e de benestar social dos cidadáns. En todo caso, debe quedar garantido o cumprimento das atención e tarefas contempladas como servizos mínimos.

Segundo.- Acordar como servizos mínimos durante a vixencia da “Folga no Servizo de Axuda no Fogar, os días 23 de outubro e 4 de novembro de 2025” no termo municipal do Concello de Laxe, aqueles que se presten e desenvolvan, segundo o proxecto de intervención, dedicadas á atención de carácter persoal na realización das actividades básicas da vida diaria, no tempo necesario, para todas aquelas persoas usuarias do Servizo de Axuda no Fogar do Concello de Laxe.

Terceiro.- En todo caso, debe quedar garantido o aseo persoal, alimentación e medicación así como as tarefas vitais recollidas no proxecto de intervención das persoas que aparecen recollidas no informe de alcaldía do día 21/10/2025 que se consideran imprescindibles para garantir a atención de urxencia e a cobertura de casos de dependencia.

Cuarto.- En ningún caso, se poderán ver modificados os horarios para a prestación adecuada do servizo. En consecuencia, corresponde ao persoal técnico responsable da coordinación do Servizo de Axuda no Fogar da empresa adxudicataria, a súa organización, e ao persoal auxiliar o seu desenvolvemento conforme ás indicacións facilitadas polos profesionais anteriores.

Quinto.- Unha vez finalizado a período de folga, a empresa adxudicataria do Servizo de Axuda no Fogar, deberá remitir, na maior brevidade posible, o número de horas e servizos prestado así como os non prestados.

Sexto.- Trasladar á empresa adxudicataria do servizo.

Sétimo.- Publicar na sede electrónica para o seu xeral coñecemento.

Mándoo e asínoo, en Laxe, na data da sinatura ao marxe.

O 1º tenente de alcalde,

A secretaria-interventora accidental

Eulogio Constantino Castiñeira

Emilia Alborés Lema

Delegación por ausencia (Resolución núm. 769/2025, do 16/10/2025)